

նայն ինչ ընդունայն է. այլ արդ՝ եթէ ընդունայն և եթէ արժանի և եթէ հարկաւոր, որում կամք ընթերցողիդ ընթանասցէ ընդունիլ, այլ բարիօք և բարեգունեղ լինի 'ի վերայ ամենայն բնութեան մարդոյ, և յոյժ հարկաւոր է ջանալ և պահել պատիւն զօրութեան հոգւոյ մերոյ, որում աւանդեցաւ մեզ 'ի փշմանէ Տեառնէ և Արարչէ մերմէ, զի վարեսցուք զկեանս մեր իբր մարդւոյ բանականի և արժանի պատուոյ, ոչ 'ի բնութենէ եռացեալ տղայութենէ իբր դազանաբարոյ, և ոչ 'ի բնութենէ սասանեալ ծերութենէ իբրև ծուլացեալ, այլ միջահասակ և կատարեալ բնութեամբ բանական զօրութեամբ հոգւոյ իբրև մարդ կատարեալ՝ պարտ է ընտրել մեզ վարք, և կարգ, և Օրէնք վասն վարուց կենաց մերոց և լծորդել փոփոխական բնութիւնս մեր ընդ անշարժ Օրինօք, զի եթէ ժամանակ ընդ ժամանակս կենաց մերոց ըստ խառնուածոց բնութեան մերոյ միտս մեր ձկտիցէ առ 'ի գործս անասնոց և անբանից: Շղթայք կապանաց Օրինաց մերոց պնտելով՝ սաստեցուցէ բնութեանս մերոյ և Օրինօք դատապարտեսցի, զի կացցուք և մնասցուք ամենեքեանս բարեպէս ընդ կարգ և սահմանս մերոյ Օրինաց, որ ընտրեցեալ 'ի լրումն ժամանակէ բնութեանց մերմէ, զի սովաւ արդարացի դատաւորն և սովաւ ընդունեսցի մեղաւորն պատիժս իւր վասն մեղաց գործոյ ձեռաց իւրոյ, և սովաւ